



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita S. Lamberti Martyris, Episcopi Tvngrensis: Leodiensis Ciuitatis, & Ditionis Divi Tvtelaris

Roberti, Johannes

Leodii, 1633

Capvt XVIII. Galli, & Rioldi iniuriæ in S. Lambertvm: Eorum cædes.

urn:nbn:de:hbz:466:1-44084

multis profusis precibus, lacrimisque
faciebat.

CAPVT XVIII.

*Galli, & Rioldi iniuria in S. LAM-
BERTVM: Eorum cædes.*

NIHIL peccato fecundius: si
obseueris, centuplicatò enasci-
tur. Pipini adulterium, Hydra erat è
tartareis lacunis emerfa, centumge-
mino capite formidanda. Nec pro-
derat, aliqua excidisse, eū vel eadem,
vel alia, & plura mox repullularent,
cum magno fcenore impietatis. Re-
fertur ad Alpaidem sermo S. LAM-
BERTI, quem cum Pipino habuerat;
& adulatoribus solempni more, quæ-
cumque exacerbando animo erant,
augentur decuplum. Muliercula im-
pos animi erat, eoque per superbiam
progressa, neminē vt crederet, tantæ
audaciæ esse debere, qui dictorum,
factorumue eius quidquā carperet.
Itaque furore amens, Dodonem fra-

*Alpaidem
in Mo-
nitorena
LAM-
BERT-
TVM
scilicet*

*Dodonē
fratrem
furijs
exagi-
tas:*

trem conuenit, quæ audierat, expo-
nit, augetque & ipsa omnia ad inui-
diam. Tum lacrimans, eiulans, capil-
lum vellens, obtestari germanum,
misereretur afflictæ sororis: memi-
nisset, quamdiu ipsa regiam teneret,
non posse ipsi fratri non esse quàm
optimè: sin expelleretur ipsa, corrue-
re simul fortunam illius: vtriusque
vnum necessariò esse, ac fore vel bo-
norum, vel malorum omnium con-
sortium.

*omn, &
alios.*

Post fratrem, ad alios quoque ami-
cos, & consanguineos, lymphata di-
scurrere, & eadem, aliaque similia
inculcare: sigillatim vocare, & obte-
stari omnes, tãtis vt malis remedium
inuenirent. At illi, pro se quisque
sortem eius miserari, LAMBERTI
proiectam scilicet audaciam execra-
ri, consilium denique, & auxilium
liberaliter, & certatim polliceri.

*Gallus,
& Rioldus,
Si-
garij.*

Gallus, & Rioldus fratres, Dodo-
nis necessarij, præ cæteris cognatis,
LAMBERTO infensi, Dodonē ipsum
adeunt,

adeunt, & ut erant, incertum stolidiores, an vaniores, importunum Sacerdotem laceffendū primò vexatâ eius familiâ: tum, nî quiesceret, cum suis obtruncandum, clamitant: ad hoc pulcherrimū facinus se duces offerunt. Dodo, & sororis furijs, & horum cohortatione agitatus, ipse animi atrox, & fiducia nimius: illi omnia polliceri, his annuere, & vltro ad perniciofa consilia exequenda, præcipites impellere.

Armantur igitur familiae, & ad sceleris societatem assumitur flagitiosissimus, & seditiosissimus quisque. Hi iam sparsi, iam coâctis cœtibus, quicquid poterant, Episcopo contumeliæ inferebant. Iam incendentem in plateis incurfabant; iam loquentem clamoribus, sibilis, strepitu quovis turbabant; iam rei eius familiari damnum variè inferebant. Porro autem in eius comites, & servitia in primis efferati, vbi cumque obuios habuissent, animi sui in eos

H s

acer-

quibus
ducibus
armati
improbi,
LAM-
BER-
TVM
dixerant;

eiusque
familiâ
variè
exagi-
tant:

*idque
Princi-
pe vel
ignaro,
vel ne-
gligente.
LAM-
BERTVS
ad pa-
tientiam
horta-
tur.*

acerbitatem expromebant, Vulgaria iam erant, & quotidiana, conuitia, fannæ, ludibria, minæ: quandoque & cubito, pede, pugno petebantur; neque fustibus parcebatur. Prorsus res ad apertum bellum pertinere videbatur. Pipinus vel ista ignorabat; vel ne suam Herodiadem contristaret, negligebat. At LAMBERTVS, pleraque & ipse ignorans, cum horum quædam cognouisset; veritus, ne in deteriora res erumperet, suos monebat, cauerent etiam, atque etiam ne pax per ipsos turbaretur; quin etiam, cum ab alijs impeterentur, memores essent Christianæ mansuetudinis, & patientiæ: & sic agerent, vt in medijs aduersariorum turbis, animi æquitatem semper retinerent. Erat eius familia optimè instituta, magistri monitis, & exemplis perpetuò eos in officio, & modestiâ continentibus. Difficile tamen erat, non moueri continuâ Dodonianorum insolentiâ, quæ nec finem habebat, nec modum:

modum:

modum; & naturâ docente, inter se
dicantabant, Vim vi repellere, ius, fas-
que esse. Quâ sententiâ omnibus pro-
batâ, clam LAMBERTO, omne eius fa-
mulitium deinceps armari, & cum
telo esse; Pontificis cognatis ad id
in primis hortantibus.

Euenit paulò pòst, vt Dodonis par-
tarij, factò globo, in Episcopi quos-
dam famulos, fortuitò obuios incur-
reret. Visebantur in primâ acie Gal-
lus, & Rioldus, cæteros sublato cla-
more, ad fortiter agendum, cohor-
tantes. Lambertini, vbi se ab armatis
peti vident, tollunt & ipsi clamorem,
& concurrentibus socijs, arma expe-
diunt. Tum in se mutuò coorti, pu-
gnam inceptant. Confligitur atroci-
ter: vulnerantur vtrimq; non pauci:
quidam etiam cadunt. In quib; duo
duces, Gallus, & Rioldus, in fronte
pugnam cientes, haud inulti confo-
diuntur, & infelicem vitam peiore
morte commutant. Ciues intra mœ-
nia bellum atrox conspicati, arreptis,

quæ

*Sed ar-
mantur
& illi
certi
vim vi
pellere.*

*Pugna
inter
vtrosq;
Cadunt
plures,*

*in qui-
bus Gal-
lus, &
Rioldus.*

quæ fors obtulerat, telis, infestos separant: diuersi diffugiunt, pars, ut vulnera curarent; omnes, ut imminentem à Principe, facinoris ultionem euaderent.

E pluribus Scriptoribus, solus Renerus memoriæ prodidit, Gallum, Rioldumque à Petro, & Andoleto, LAMBERTI cognatis, cæsos esse. Sed mihi rem intentius consideranti parum id fit verisimile; utique, cum, ut aliam fileam, duo isti deinceps cum LAMBERTO, liberi, & innoxij perseuerârint; quos ipse dubio procul à se amouisset, ne eam cædem vel iussisse videretur, vel probare: adde Pipinum, ab Alpaïde, & Ddone incensum, eam familiaritatem, & libertatem, sui contentum fuisse interpretaturum.

CA.